

洞天衆真靈宅先奉恩旨禁斷戈獵蕪蘇
秋冬放火四時祭祀成絕牲牢自經艱難
失去元勅百姓不遵舊命侵占轉深採伐
山林妄稱久業伏請重賜禁斷準法護持
差置所由切加檢察庶得真場嚴整官觀

獲安具元禁疆界如前

中書門下牒茅山三觀等奉勅句曲靈山洞
宮所在恭惟列聖嘗亦欽崇宜禁蕪蘇以申
嚴敬其茅山界內並不得令百姓戈獵採伐
及焚燒山林仍委州縣切加禁止懸至準勅
故牒大和七年十月四日中書侍郎平章事
李德裕檢校右僕射平章事牛使

茅山志卷之二

茅山志卷之三

上清嗣宗師劉大彬造

龍三

宋詔詰

勅禁山

訪聞茅山界內祠宇宮觀之側樹木多有諸
色不顧修法擅行蕪蘇及放野火焚燒山林
須議專行指揮國家方延景既以祐祭民春
彼名山存於方志或仁慈所治或真侶皈依
是為降福之場允謂棲神之所故宜加禮敬
答儲休豈可斤斧競臻蕪蘇無節致嘉生之
罔植使靈蹟以何觀爰伸禁止之文用表肅
恭之意今下潤州昇州候宣命到於茅山四
面立定界止嚴行指揮斷絕諸色人并本山
宮觀祠宇主首以下自今後不得輒有蕪蘇
斫伐及放野火焚蕪常令地分巡檢官吏著
老壯丁覺察檢校如有違犯即便收捕押送
所屬州縣勘斷訖令衆半月滿日踈放如斫
伐數多情理難恕即仰收禁奏候指揮當行
決配如是遠處官觀祠宇之外無有供燒禁

薪不係古蹟之內久來存留樹木即仰本縣

官吏與官觀等主首同共指定界止緊立標
記方得採取若是已有斫伐延燒到樹行踈
處亦仰隨處州縣勘定數目去處常依時裁
種補填務要別無空闕即不得輒便接授仍
將此宣命指揮於官觀門首及往來要路鐫
石曉示知委

明肅劉太后賜朱宗師御札

金注子底水一副共重三十兩是皇帝小時
使底與道者充買田土供贍道衆齋糧兼逐
日持課祝延皇帝聖壽長命安樂永離災障
與彼處知州同共商量買田土好莊子令任
文慶與知州同共收買回日畫取圖子來

崇寧加封三茅君詔

詔勅門下句曲洞天有真人焉變化無方靈
妙不測秦漢而降歷千餘年續社發祥澤于
生民而隆名微稱猶或未備非所以極崇奉
之誠也茅山大茅君今號太元真人東嶽上
卿司命神君可進號太元妙道真人東嶽上
卿司命神君中茅君今號定錄右禁真人可

進號定錄右禁沖靜真人小茅君今號三官保命真人可進號三官保命沖惠真人庶幾導和氣獲嘉應以助我國家太平無疆之福故茲詔示想宜知悉崇寧元年四月二十七日

徽宗賜劉宗師勅書并詩崇寧元九月十一日

凡三十一通

勅劉混康自別以來必守安靜爾沖和養氣得其妙道學術精深博通真旨救危難以積善觀德業以養高小大之事常所訪問盡規極慮頗勤忠恪濟人利物功莫大焉近覽所

奏並皆惟允已差郝隨專董其事餘地土等亦一一應副更有所需依前來崇寧元年七月六日

到

勅劉混康修真務本高道有常之士學業為心去執忘貪之德特守去病之術普設濟人之方爾自離闕下將周歲紀近覽來奏喜聞安靜所乞立木事已降指揮修建本觀所要疾速遷定期興工如逐旋有闕一一奏來春氣漸和自如調適謹奉天時以滋妙道崇寧二年二月九日

勅劉混康爾自別京師修改歲華完修祠殿備悉勤勞近覽奏章具知安裕所云殿名以天寧萬福可也其清靜經並依所奏爾肅恭祀事達于上境所見災祥何不具奏此者年麥發生之際惟藉膏澤之力迺自春首以來

頗愆時雨未濟四郊之農甚慘十箱之望朕心憂懼夙夜匪遑爾當悉心體予至懷用斯懇切之誠精加祈禱之意以名非高道宜達

清都餘宜將愛愈深妙理山林幽靜更保真常崇寧二年三月二十一日

勅劉混康爾自別京師屢經歲時撫宣之意惟常累遣速于仲夏畏日永長想爾山居清涼高爽道妙之餘動止臻常否修嚴秘守構

葺必已成就崇奉至真付委加于有德事更有闕典可縷縷敷陳如所見災祥須一一具奏時正暑炎宜自保鍊餘勤道業體予至懷崇寧二年五月二十三日

勅劉混康卿昔寓處都闕延對禁廷每陳忠道之誠開益朕躬之志虛心采納豈泯嘉言賜號越常用昭衷顯所有誥一軸今遣付卿

至可領也秋氣爽肅燕居練養之餘宜加保護特賜葆真觀妙先生誥

勅江寧府句容縣茅山道士洞元通妙大師劉混康朕執古之道以御今之有嘉與希夷守一之士以正澆漓之習惟爾專氣致柔敦

其若朴雖道尊德貴莫之能爵而名實稱謂其可已乎宜申錫於命書庶激揚於後學尚推爾素以輔善民可特賜號葆真觀妙先生崇寧二年七月二十五日中書舍人白時中行

朕以卿道備德隆陳誠助國特頒異號故顯高仁若以恆物濟功未殫嘉稱誥命宜當祇受勿復固辭想宜知悉

勅劉混康自達京國屢改歲華所思一德之可嘉在我三秋而不忘近收來奏喜知寧謹幸繼先猷緝熙秘宇殿成寶錄慶以臻嚴閣聳崇寧仰上真之來格卿素守虛無超

然高尚齋持秘宇能順育於炎涼靜樂茅峯自安怡於泉石來奏具悉已降指揮差御藥蘇珪提舉等勿應合須索一一中稟自可奏裁應副不致有闕也霜秋屆候氣律初寒更

蘇珪提舉等勿應合須索一一中稟自可奏裁應副不致有闕也霜秋屆候氣律初寒更

臻道妙言不多及如見有何災異一一奏來
前者祈求事至今未得感應今次如何也崇寧三年九月十五日

崇寧三年九月十五日

勅劉混康自別京畿屢更歲為樓三茅而浩
志潔一已以全真寓迹山居潛心物外緬想

道妙沖靜植性清夷順穿壤以養高脫塵寰
而悟理茲覽來奏良悉所懷涉冬而來動止

安否知中春詣闕已差使臣張翊津置其行
備委官司一切應副或尚有闕詳具奏來可

期觀爾預積欣豫方屆隆冬將迎朔易更在
博施真教協濟羣生餘加保練之功用體春

勤之意姑此書諭指不多及崇寧三年十一月二十三日

勅劉混康省覽來奏備悉懇誠隆歲暮喜
獲安常葺構葆真尚闕緝用已降指揮應于
官吏責以近限併力就功上梁等事各有司

存何必告成迺離淵室及漕運經畫一一去
訖首春氣暖當先詣闕勿為稍稽以多高慮

竚聽舟楫來赴闈闈已差諸司官沿路管勾
在理當然難為寢罷體予春待宜悉至懷崇寧三年正月十四日

崇寧三年正月十四日

勅劉混康省覽來奏備悉懇情春首峭寒喜
知寧謚爾心志通博絕塵慮以保真常識遠
精微養靈臺而臻妙道自建三茅榮爾一心

茲者修完之役已至丹履之工委付有司必
早周備沖靜是守毋勞神用迺眷爾益欲宣

趨對之懷厥意惟堅宜遂告成之請可依所
奏纔候工畢日速赴闕下其張翊已降指揮

專一催督應辦去訖并奉命神像遷入法堂
權行奉安如更有闕一一奏來春寒屆候宜

加保毓用昭優渥體予至懷崇寧四年正月二十四日

勅劉混康覽卿來奏備悉懇懷欣富涉春益
聞保福中前赴色之書繼有告成之約以謂

君子不可以力致方士不可以拘繫載詳爾
意宜遂厥求俾從達者之道遠式副高人之

所請固非少拒勿致深疑况卿洞鑒真元默
垂道蔭植性衍沖淵之意稟材多介恪之仁

神符有濟順天地之生成法力無窮贊陰陽
之化育清高可尚塵俗難羈浩然守志於林

泉潔素以安於壽考宮宇修完應辦可集已
令促役必無緩時纔有畢工之奏速期赴闕

之行未即對問更希加愛故茲詔示想宜知
悉崇寧四年閏二月三日

崇寧四年閏二月三日

勅劉混康卿宅心道妙顯迹神功順四序以
凝和寓一身而永福靈符法水久推濟物之

仁保氣存神自得養生之主涉此畏景想集
殊禧比詢入觀之期力有告成之請畢工在

邇重諾難渝宜促行裝正風帆可乘之使早
登畫鷁當江水善利之時暑炎在候更切保

順故茲書示言不多及崇寧四年五月二十九日

勅劉混康省觀來奏備悉所懷涉夏之中從
身益福歷知工築僅及於告成將何舟維屆

臨於近甸其如服勤職事幹集善能願惟激
勵之風當允誠悅之請指期良觀促日戒行

敷善利於羣生享微名於大道副茲至禮體
我春懷夏熱卿比平安好遣書指不多及崇寧四年六月十七日

崇寧四年六月十七日

勅劉混康卿法大道之自然稽真詮之典則
順時樂性正一己之貞心闡教濟人保千齡

之上壽睽濶滋久懷想良多累召待來逮今
改歲尚有力難之奏猶屢固避之言況予疊

俯垂淵鑒丁寧天訓警悟不忘夙夜欽崇以

酬昭貺矣暑方隆保愛是宜餘具詔意

所奏事逐一降指揮訖如更有所闕但一一

見示提舉官已差楊誠題額已書知之蔡下

亦已撰文先生自來賴直有所聞見災福但

詳細密奏花木已收瑞香尤佳傳希列回付

詔書等及賜祠部餘各賜紫衣師號親書畫

扇暑熱可以召風鎮心符子告求數貼傳希

列等回附物下項沉檀箋香各二十斤生熟

龍腦五斤降真香十斤四味采子二十卷御

書畫扇頭十箇香藥二分崇寧五年七月初四日

勅劉混康卿夙臻要妙志尚清虛朕遐想高

風無忘朝夕載披貢牘之勤心益表公忠於

王室言念及斯良深嘉歎所陳情悃並即施

行永勝先塋許焚修之徒衆潛神官屬第推

賞於階資成命已頒可悉亮也朕欽崇大道

景仰靈蹤是述志以昭功故開山而建宇畢

工來上欣憚交懷所期大闡真風錫蕃禧於

黎庶精治法錄永協贊於丕基諄誨尚遙沖

襟善護秋涼卿比平安好遣書指不多及

五年七月二十日

勅劉混康省所上表乞差官撰述宮記事具

悉茅嶺幽棲積金舊址眷念靈迹旁連洞宮

故瑤臺之新府大啓煥於真風宮宇落成豐

碑可俟命碩儒以製文及親題於碑額非特

為一時之盛事抑以彰前人之休聲卿當慎

擇高流同勤至道精修不懈適情所瞻每思

心要常憶儀刑顧川塗之脩阻想會晤之尤

餘其親書碑額及蔡卞所撰書記今差使臣

管押前去至可領也秋涼卿比平安好遣書

指不多及

先生養素金壇策名紫府昨自仙舟東下日

深懷想邇來秋氣頓清緬惟道體和裕未涯

訪道惟切傾思保練潛神副予瞻矚其碑額

等今已書畢遣人降賜餘有所陳俱具奏章

崇寧五年八月二十日

勅劉混康樓真有素守道無渝功行益隆聲

華夙著即萬寧之燕處奉大錄以精勤博濟

羣生成趨善化擴爾無為之妙相予可致之

祥蓋名以實彰禮緣德稱宜錫褒嘉之寵用

延弘遠之休法號增崇念言惟允往即欽承

母或避避所有誥命今附遞賜至可領也時

當素秋卿比平安好遣書指不多及

朕以先生棲真句曲養素潛神符水施功慈

濟遠邇嘗招鶴馭論道宣和落迪無為輔成

靜治欽承微妙寤寐不忘近以宮宇告成特

加先生沖和二字其誥已入遞附賜當體春

遇時貢至言造闕未涯尤希保蓄

筮師所奏宮門墻宇等事乞修治已令有司

火急應副物料材木等費立近限速令畢集

無致遲邇稽緩去訖如先生更有所闕但具

奏無隱也傷風符鎮心壓驚佩帶符子各求

數十道幸甚

加沖和先生誥

勅江寧府茅山元符萬寧宮葆真觀妙先生

劉混康三茅靈境仙聖所棲比建新宮用仲

崇奉以爾心游澹漠道合元微得宅其間闡

揚至化宜加美號以示眷懷可特授葆真觀

妙沖和先生崇寧五年八月二十三日

勅劉混康奉教玄元宅心清靜造洞真之具

隱茅峯之顛廼瞻舊居緜然靈異構崇新宇
大壯宗風丹臺鮮麗演崆峒之道樞紫府鼎
新追汗漫之高躅按圖顯敞寔稱真游益彰
崇奉之勤用慶落成之美益增欣沃當形詠
歌御製慶成頌一軸今入遞賜至可領也高
秋氣肅比平安好遣書指不多及

御製元符萬寧宮慶成頌

茅山之麓元符中即隱者劉混康所廬建觀
號元符觀經始於元年秋至崇寧五年秋宮
成大書其榜更號元符萬寧宮蓋以協成格
宗之志以安妥明靈欽崇妙道昭示後世迺
為之頌曰

向曲之山有居其顛誰氏之子象帝之先啓
迪後人淑修其身守靜而篤是為葆真在昔
元符作室其下經始勿亟以遺來者我應受
之嗣紹厥緒我儀圖之繕此棟宇考彼宮宇
因心而友不日成之克相其後迺益其名曰
維萬寧書以揭之用妥明靈道大無方體用
有常以德則帝以業而王坐進此道與道無
極神之聽之洽此萬國崇寧五年九月

初夏之別幾半載矣坐阻顏角迺情稍想每
引領之動思阻修途而興歎還山以來景仰
何常有詩寫懷今同附遞到並檢領極思晤
語邈未有期金風向勁天和善保符子已收
更求佩帶待數道推恩事已施行希知之

葆真觀妙沖和先生歸山以詩送之

當年問道屬高人曾攬霞衣到紫宸身是三
山雲外侶心無一點世間塵征鴻望極幽棲
遠賀燕歸飛洞府新多謝為傳心法妙此真
真外更無真崇寧五年九月

初劉混康省累上表具悉卿道高二許德貴
三茅為教法之宗師擴真風而濟物懸辭輦
穀裕處名山濶清標之晤會思綺傳之奧言
每覲真章良嘉勤意所陳乞事皆已施行徒
弟師名錫凝和之美號豐碑刊勒許潛慕之
總提今者方外又寧兩賜時若荷上帝之降
康亦焚修之有助霜秋屆候良晤未期勉加
保願用慰傾想筮淨之勅今同遞附至可領
也卿比平安好遣書指不多及崇寧五年十月
際阻以來復見窮秋引領南顧徒切坐馳每

得郵音大慰傾渴山林虛靜想神游沖漠以
適安耳所賜還山詩慶成頌並許刊模自餘
手詔等不可上石乍冷保持法錄外倍為珍
蓄

初劉混康所進天寧節功德疏具悉卿養浩

山焚樓真方外志惟體國志在愛君屬厥月
之誕彌後清場而薦祉疏言來上嘉歎良深
故茲詔示想宜知悉冬寒卿比平安好遣書
指不多及崇寧五年十月

初劉混康省所上表陳乞事具悉卿潛心淵
靜造道粹全涉茲冬律克保天倪存覺實囊
備悉來懇蓋事功之就緒寔推賞之未周敷
陳是宜益次匪濫並可其奏已即施行宣義
營田特從本宮之所請丹陽塘瀾不許他司
之占留事悉緣公物無私已載披勅至用款
忠嘉宜樂真常之餘擴推上清之法相予福
祉永庇寰區更在精衷明體朕意初寒卿比
平安好遣書指不多及
際異以來日月如馳景仰何及懼寒白雲想
多佳致近陳乞所賜詩頌上石並自刊模頌

降次真本一一自收別有陳請附遞春來春會未期引向彌深冬序漸寒為道係育

勅劉混康省所上表本宮開建慶成道場有仙燈現事具悉卿心游蓬島坐嶺崆峒守修真抱一之與洞歸根復命之源是以慶成寶

齊仙燈示瑞蓋精衷之上遠由至誠之內充嘉祥荐臻靈貺昭答舍生均被美利難云省覽以還良深歎獎兼聞仲冬擇日親詣水勝焚黃時當沍寒不無勞勩計想鶴馭今已還山俯適迎長生經善術崇寧五年十一月十八日

朕異以來俄經冬序每思清誼時唯引領知道場有聖燈現於鸞輪峯誠為奇異自非先生精誠昭格孰能臻此伏紙增歎未期胥見尤積情企唯加自願良副所望也聞先生往常焚黃時當凝凜道途係愛歸庵日符子更

求數十道前勅劉混康克持真教慎保天倪樓巖允以道遠奉法錄而寧燕顧其淵懿宜有褒崇既頒諭於詩篇復形容於善頌抗章來上刊石是期嘉爾丹誠勅于翠琰已今丹御寘彼宮垣

傳弟子而彰不泯昭眷禮而示無窮當體朕心益崇法訓臘殘春及氣易序遷更勤保練之功頒示冲虛之訣已差使臣專一管押刻石前去至可領也凝寒卿比平安好遣書指不多及大觀元年正月二十七日

勅劉混康卿秉心無妄執道不回總持法源羣生所賴功庸昭著揭如日星使上清之教益隆而弗替者寔有力焉比以道釋混淆理宜區別斷自朕心重訂講議至如三清混居於水陸元命反祠于梵宮繪塑無倫不可驟

舉朕方圖叙彝倫講明教法稽考後先之理推原積習之端甲飭有司分別崇奉庶蒙休祉溥祐舍生諒在淵沖必惟允議更新歲律尚冀保綏故茲示諭想宜知悉寒沍卿比平安好遣書指不多及大觀元年二月九日

勅劉混康禩身冲粹有道淵深秉志不回推心篤善省觀奏牘備悉至懷仍聞新歲以來法履泰定所進木煎靈方夙授仙餌今存雖神鼎金丹之妙無以加諸長生之理茲其大致手披繹勤志忻愜于中妙術恭持必無畔

辰時傳郵命副以好音春序云初天和善護朕異晤言俄經新律渴想儀刑朝夕弗替近降勅書所諭道釋混淆已付外施行事恐未詳盡今錄元降全文付卿一看卿教門綱領人所視仰其諸傳授保執持之無吝念也所

修石橋道路事已委發運使曾孝蘊專一應副施行益速會見千萬加慎鎮心神符字告求數十道恐有所見災福告先生示及箕師初春可令至昨降物往彼道場已到否有天下者尊事上帝勅命惟幾敢有弗虔而

釋氏之徒修營佛事妄以天帝次於鬼神之列瀆神踰分莫此之甚其能克享上帝之心乎可令有司檢會削除以稱朕嚴恭實畏之意大觀元年二月十五日

勅劉混康朕祇奉三元欽崇至道每念靈承之重庶臻可致之祥凡在幅員率興觀宇瞻三茅之名封集殊方之勝樂倚毗師法以召蕃釐卿夙資淵妙之功屢獲嘉休之應累遷鶴馭來叩楓宸欽名理之至言詢心法之要妙保神清靜闡厥聞旅寓儲祥殆非宜稱

已令董治 鳩工構宇即上清之東隅建
萬寧之別觀庶專靜館延處雲耕可預擇徒
弟來此住持故茲示諭想宜知悉

領所奏道教未便洎陳乞事卿道門宗師教
法網領凡所陳請皆合朕志朕違高論日馳

南顧遐想香火之餘高樓雲表保神練氣所
得多矣宜師淨之候黃冕到山可同赴闕春
序將暄為道加慎大觀元年二月十九日

初劉混康省所奏辭免赴闕事具悉朕欽奉
真元夙崇高道春彼棲真之侶常形夢寐之

思行瞻每渴於儀刑朕濶倏更於歲暮再款
話言庶資妙理是用載馳使傳敷趣造朝忽

露封章引疾懸避夫豈不懷義非可強當止
召命更何歲年尚慎寢餐以副春渥春和卿

比平安好違書指不多及

相別周歲引領尤勤兩披奏牘以疾力辭赴

闕已具別初可其所請宜亮悉之安處潛神

以保壽康想縲有餘裕也道場事前已報知
宣師陳請皆契勘施行候指揮到止可令宣
師赴闕會晤尚賒對時自衛治百病傷風符

子告求數十道夜分燈下發慮先生意不安
故也大觀元年四月七日

初劉混康省覽累奏具悉卿擅棄人事遠去
塵寰既彈懇迫之誠勉徇便安之請遐想道

來怡神昭曠持法崇高處寂以絕營葆光而
不曜臨風東望一及緒益不無傾渴之勤也

箕淨之便可發來赴闕或有奏陳詳具無隱
初夏漸熱卿比平安好違書指不多及大觀元年五月二日

別來一周星律傾渴話言未嘗替也志趣高
尚厭絕繁紛得以澄神靜慮為沖漠之游良

多慰沈愈遠高論徒深引向首夏清和為道
保育月末忽目告連發疎以書問宣師可令

速至有經數卷伺宣師到令附去皆親書
茅山志卷之三

茅山志卷之三

茅山志卷之四

上清嗣宗師劉大彬造

詰別墨

宋詔詰

初劉混康睽異又見畏景殊積誅思想惟偃

寢雲山養高物外從容於自得之場健美無
窮有所論言詎可勝口當伺馳馭西來面悉

至意彼中有目擊事母憚煩碎並附郵傳以
聞使一方民瘼不壅於上聞茲所望也失歎

隆熾善衝沖和

宣師至所奏事一一備曉謹齋沐寫成密詞

一通託先生拜章奏達即幸也伺得天語速
具奏來餘面諭宣師令於先生處開陳貴妃

表一通亦附於宣師回山御筆畫元始天尊
太上道君各一本可與去歲所畫太上老君

共三清潛神供養北斗等經五冊扇頭二十
箇果實一十件香華龍腦茶燭等各以數交

割付宣師空名祠部五十道紫衣三十道恐
要度徒弟宣師之下應徒弟賜以紫衣師號

隨行侍者十五人皆賜披度又賜東帛有差